

פרק סד

(א) לַמִּנְצַחַּ מְזִמּוֹר לְדָוִד: (ב) שָׁמַע אֱלֹהִים קוֹלִי בְּשִׁיחֵי מַפְחָד
אוֹיֵב תִּצַּר חַיִּי: (ג) תִּסְתִּירֵנִי מִסּוּד מְרַעִים מְרַגְשֵׁת פְּעָלֵי אֶוֹן:
(ד) אֲשֶׁר שָׁנְנוּ כִּחְרַב לְשׁוֹנָם דְּרָכּוֹ חֲצָם דְּבַר מָר: (ה) לִירַת
בְּמִסְתָּרִים תָּם פִּתְאֹם יֵרְהוּ וְלֹא יִירָאוּ: (ו) יַחְזִקוּ לָמוּ דְבַר רַע
יִסְפְּרוּ לְטָמוֹן מוֹקְשִׁים אָמְרוּ מִי יִרְאֶה לָמוּ: (ז) יַחֲפֹשׂוּ עוֹלֹת
תִּמְנוּ חֲפֹשׂ מְחַפֵּשׂ וְקָרַב אִישׁ וְלֵב עֵמֶק: (ח) וַיִּרַם אֱלֹהִים חַץ
פִּתְאוֹם הָיוּ מְכוֹתָם: (ט) וַיִּכְשִׁילוּהוּ עֲלִימוֹ לְשׁוֹנָם יִתְנַדְּדוּ כָּל
רְאֵה בָּם: (י) וַיִּירָאוּ כָּל אָדָם וַיִּגִּידוּ פֶּעַל אֱלֹהִים וּמַעֲשָׂהוּ
הַשְּׂכִילוֹ: (יא) יִשְׁמַח צַדִּיק בִּיהוָה וְחָסָה בּוֹ וַיִּתְהַלְּלוּ כָּל יִשְׂרָי
לֵב: